

樂陰比事

51-22

初

黨

氏

陰

事

棠陰比事叙言

自古兵戎之禍類皆肇於訟獄訟獄平則民心悅訟
獄乖則民怨騰而兵機伏矣嘗讀易至需需者飲食
之道也自飲食之漸開而訟起訟起而後受以師師
與訟相倚伏聖人以訟彌需之憾卽以師濟訟之窮
其序明其義精矣民國以來烽燹之禍彌天下揆其
所以致此者其始則刑罰失中手足無措謹厚者銜
冤篤傲者生忿迨積之久而一般羣不逞之徒揭竿
發難一呼百應勢不至火燎於原不止夫天與水違
行曰訟君子觀斯象也而作事謀始謀始云者將以

消天下之禍於小有言之初則訟之當慎於始也章
章明矣頃孫君紀源以棠陰比事一冊見賜余展閱
數過旣深佩桂夢協司理編次之苦衷而揆諸時局
之艱又以爲國之大事在戎戎之隱患在獄折獄不
良兵革隨之矣憶昔曹劌論戰不問小信小惠而獨
以小大之獄必察以情爲可以一戰之大原由是觀
之訟於國內者無冤民斯戰於境外者多義士援古
証今理無或爽余濫竽民社十餘年度獄度慎審克
維艱今旣獲覩桂氏原書較勝坊刻多矣亟謀付梓
頒諸各縣冀與良有司精心研覈

閻增在官

之智誠樹循吏之模範皆於是乎賴慎勿視爲細微而廢置之也則幸甚盼甚是爲叙

民國十年九月張鳳臺叙於河南行政公署

端平改元七月乙卯。萬榮以尙右郎蒙恩陞對。首奏
守一心之正。以謹治源。次奏懲羣吏之貪。以固邦本。
天威咫尺。渚賜褒嘉。旣而玉音巽發。謂朕嘗見卿卿。
來所編棠陰比事。知卿聽訟決能審克。萬榮卽恭奏。
臣昨調建康司理右掾。待次日久。因編此以資聞見。
豈料天侈其逢。誤關乙覽。容臣下殿躬謝。暨出禁門。
便有力求此本者。鋟梓星江。遠莫之致。是用重刊。流
布庶可上廣聖主好生之德。下裨涖官哀矜之意。十
月旣望朝散大夫。新除直寶章閣。知常德府。桂萬榮
謹識。

棠陰比事序

開禧丁卯春。僕以饒之餘千尉趨郡書滿。糾曹孫公起予。武林人也。畱款竟日。話次因及臬事。謂凡典獄之官。實生民司命。天心向背。國祚修短。係焉。比他職掌。尤當謹重。近者番易尉胥。爲人所殺。昏暮莫知主名。承捕之吏。續執俞達以告。證左皆具。亦旣承伏矣。且謀連三轡。結款無一異詞。某獨不能無疑。躬造臺府。請緩其事。重立賞榜。廣布耳目。俾緝正囚。未幾果得龔立者。以正典刑。不然。橫致四無辜於死地。銜冤千古。咎將誰執。萬榮聞之。瞿然斂衽。因歎吾夫子三

絕韋編。特著其議獄緩死之象於中孚。而告之君子。亦盡心於一成不可變者。公其有焉。旣而東歸參選。待次建康。狂曹屢省斯事。若有隱憂。遂於暇日取和魯公父子疑獄集。參以開封鄭公折獄龜鑑比事屬辭聯成七十二韻。號曰棠陰比事。凡與我同志者。類能上體累代欽恤之意。下究諸公編削之心。研精極慮。不謂空言。則棠陰著明教。棘林無夜哭。曷勝多禮之幸。是用弗嫌於近名。擬錢諸木以廣其傳。歲在重光協洽閏月望日。四明桂萬榮序。

重刊宋本棠陰比事序

比事屬辭。春秋之教。漢人以經決獄。董江都箸決事
比。崇文總目載之。宋四明桂夢協棠陰比事。蓋取此
義。其書采和魯公父子疑獄集。鄭氏克折獄龜鑑。聯
成七十二韻。一百四十四條。使事必相比。易於觸類
引伸。斯桂氏之義例。所以有異於和鄭之書也。桂氏
於開禧丁卯。始以餘干尉聞糾曹孫起予之論。畱心
議獄。嘉定辛未。官建康司理右掾。撰成此書。端平改
元。以尙書右郎陞對。理宗褒嘉。謂嘗見所編棠陰比
事。知聽訟決能審克。除直寶章閣。知常德府。此書用

是重刊流布。宋史漏略。竟失其名。然知爲循吏無疑矣。明景泰間。吳文恪公訥。病其聲韻對偶。以爲敘次無義。刪去其相類複出者。僅存八十條。別以刑獄輕重爲先後。首五條。引大明律。末二條。增入己論。補遺二十四事。附錄四事。用心亦勤。自吳氏本出。而桂氏之原書遂晦。余初得吳氏本。以爲桂氏以比事爲義。若以事之相類者。爲複出而刪去之。甚失比事之義。於是購求原書。今年己酉夏。得吳門黃蕘圃所藏宋本。有嘉定辛未張處識語。知桂字夢協。首有趙宦光崑山徐氏兩印。複讀蕘翁跋語。知爲難得之冊。不敢

自祕。重爲鋟木以傳。夫古今詐僞之人。百出不窮。鈞距止一智。觸悟止一誠。比類以期其合。推類以盡其餘。神而明之。存乎其人。孰是編以求咎繇之明。允蘇公之式敬。甫侯之簡孚。鮮有不三隅反者。余慙教養乏方。訊質無所呵喝。盜賊不輕拷掠。每決一獄。不憚者累日。懼不學之無術。時取吳氏鄭氏之書。以資觸發。茲編刻成。猶足益人神智。間嘗論之。和氏之疑獄。掎據故實。乃法家之成案。鄭氏之龜鑑。辨論精審。乃成案之讞語。桂氏之比事。依類聯貫。乃成案讞語之比例。三書不可缺一。皆仁人君子之用心也。桂氏萬

榮生子宣議郎某。歷傳知富陽縣。康老。贈運使俊卿。
參政與紹。晉府長史德稱。字彥良。中書舍人慎。又有
裔孫怡。登進士第。自宋至元明爲世族。文恪據王學
士景彰集。考之纂詳。附識於此。以見積善之慶。至文
恪增益。非無可取。因非原書所有。不敢羈入。茲編所
遺。及元明折獄有可取者。擬爲續比事。采掇未竟。若
夫成書。請俟也。曰。道光二十九年歲在己酉冬十月。
金陵朱緒曾序於嘉興縣署。

棠陰比事標題

向相訪賊

錢推求奴

曹攄明婦

裴均釋夫

程顥詰翁

丙吉驗子

李崇還秦

黃霸叱奴

歐陽左手

惟濟右臂

沈捨頽喉

南公塞鼻

程琳炷竈

强至油幕

妾吏酖宋

王素毒郭

彦超虛盜

道讓詐囚

孫甫舂粟

許元焚舟

宗元守辜

魏濤證死

桑懌閉柵

蘇秦徇市

任城示靴

楊津獲絹

李傑買棺

重榮咄箭

蘇請耐柩

賈廢追服

子產知姦

莊遵疑哭

思兢詐客

佐史誣裴

季珪雞豆

張舉豬灰

定牧認皮

滄州市脯

張受越訴

裴命急吐

王質毋原

馬亮悉貸

允濟聽葱

彭城書菜

呂婦斷腕

包牛割舌

崔黯搜孥

張輅行穴

杜鎬毀像

次翁戮男

傅令鞭絲

李惠擊鹽

楊牧笞巫

薛向執賈

程戡仇門

仲游帥宇

苻融沐枕

獄吏滌履 宗裔卷紬 高防校布

江分表裏 章辨朱墨 胡質集鄰

高柔察色 蔣常覘嫗 思彥集兒

劉相鄰證 韓參乳醫 袁滋鑄金

孫寶稱散 程簿舊錢 王璩故簡

公綽破柅 元膺擒輦 柳寃瘖奴

王叩狂嫗 季公驗櫟 王榛辨葛

穎知子盜 孫料兄殺 鄭躬明誤

希亮救亡 商原詐服 竇阻免喪

薛絹互爭 苻盜竝走 蕭儼虞牛